

Na osnovu člana 74. Zakona o drumskom prevozu Federacije Bosne i Hercegovine ("Službene novine Federacije BiH", broj 28/06), federalni ministar prometa i komunikacija donosi

PRAVILNIK

O IZMJENAMA I DOPUNAMA PRAVILNIKA O NAKNADAMA ZA TEHNIČKI PREGLED VOZILA I DRUGIM POSLOVIMA KOJI SE OBAVLJAJU U STANICAMA ZA TEHNIČKI PREGLED

Član 1.

U Pravilniku o naknadama za tehnički pregled vozila i drugim poslovima koji se obavljaju u stanicama za tehnički pregled ("Službene novine Federacije BiH", br. 51/06 i 26/07), u članu 6a stav 4. u drugom redu riječ "četiri" zamjenjuje se riječju "tri", a riječi: "jedan Federalnom ministarstvu prometa i komunikacija (u daljnjem tekstu: Ministarstvo)" se brišu.

Član 2.

U članu 7. stav 2. iza riječi: "stavom 1. ovog člana" dodaje se tačka, a riječi: "i da se izvod dnevno dostavlja korisnicima naknada iz stava 1. ovog člana" se brišu.

Stav 6. mijenja se i glasi:

"Stanica je obavezna Stručnoj instituciji prvog radnog dana svakog mjeseca dostaviti podatke o broju obavljenih tehničkih pregleda u toku prethodnog mjeseca, razvrstane po vrstama pregleda i po kategorijama vozila iz Cjenovnika usluga pojedinih vrsta tehničkog pregleda vozila ("Službene novine Federacije BiH", broj 26/07) (u daljnjem tekstu: Cjenovnik), kao i podatke o iznosu prikupljenih sredstava iz stava 1. alineje 2., 3. i 4. ovog člana".

Iza stava 6. dodaje se stav 7. koji glasi:

"Na osnovu podataka iz stava 6. ovog člana, Stručna institucija će najkasnije do 5. u mjesecu Stanici ispostaviti fakturu za plaćanje prikupljenih novčanih sredstava iz člana 7. stav 1. alineje 2., 3. i 4. ovog pravilnika."

Iza stava 7. dodaje se stav 8. koji glasi:

"Ukoliko Stanica ne zaključi ugovor sa bankom o dnevnoj raspodjeli uplaćenih sredstava, naknadu iz člana 7. stav 1. alineje 2., 3. i 4. ovog pravilnika, na osnovu ispostavljene fakture od strane Stručne institucije uplatiće Stanica na pripadajućem računu iz člana 7. stav 5. Pravilnika, u roku od tri dana od dana prijema fakture."

Iza stava 8. dodaje se stav 9. koji glasi:

"Stručna institucija će do 10. u mjesecu izvršiti uplate novčanih sredstava koje pripadaju Budžetu Federacije BiH, odnosno buxetima kantona, na račune iz člana 7. st. 3. i 4. ovog pravilnika."

Dosadašnji st. 7., 8., 9. i 10. postaju st. 10., 11., 12. i 13.

Član 3.

U članu 8. stav 2. iza riječi "instituciji" zarez se zamjenjuje tačkom, a riječi: "Ministarstvu i Kantonalnom ministarstvu" se brišu.

Stav 3. mijenja se i glasi:

"Stanica će do 10. u mjesecu Stručnoj instituciji dostaviti uplatnicu ili izvod sa računa kao dokaz uplate sredstava po osnovu odredbi ovog pravilnika za prethodni mjesec. Za pravilnost i blagovremenost uplate odgovornost snosi Stanica."

Iza stava 3. dodaje se stav 4. koji glasi:

"Stručna institucija će do 15. u mjesecu dostaviti izvještaj Ministarstvu koji sadrži slijedeće podatke:

- broj obavljenih pregleda za svaku Stanicu, razvrstane po vrstama i kategorijama vozila iz Cjenovnika,
- visinu uplaćenih sredstava svake Stanice,
- spisak Stanica koje nisu dostavile podatke iz člana 7. stav 6. ovog pravilnika,
- spisak Stanica koje nisu izvršile uplatu prikupljenih novčanih sredstava na račun Stručne institucije,
- spisak Stanica koje su izvršile samo djelimičnu uplatu, raspodjelu, visinu i način utroška novčanih sredstava za prethodni mjesec, sa kopijom računa, ugovora o djelu, te drugih dokaza plaćene usluge."

Iza stava 4. dodaje se stav 5. koji glasi:

"Stručna institucija će uz izvještaj iz stava 3. ovog člana dostaviti Ministarstvu i izvod sa svog računa iz člana 7. stav 5. ovog pravilnika, kao dokaz uplate naknada koje pripadaju Buxetu Federacije BiH i buxetima kantona, a nadležnom kantonalnom ministarstvu dostaviće izvod sa svog računa kao dokaz uplate novčanih sredstava koja pripadaju buxetu tog kantona."

Član 4.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 06-27-1182-3/07
20. septembra 2007. godine
Sarajevo